

隨州志卷之九

隨州知州張璿輯

帝紀

百家言黃帝尚矣乃遠而邈於神農之世不已邈乎然神農毓乎楚考地理者言之鶉尾爲烈山氏之墟測天文者又言之不盡誣也隨爲誕聖之地遺蹟存其民不敢一日忘之宜矣志炎帝紀第二十三

炎帝神農氏少典氏之君娶于有蟠氏之女曰安登生二子焉長曰石年育于姜水故以姜爲姓以火德代伏羲

隨州志

卷之九

帝紀

氏治天下故曰炎帝其起本于烈山又號烈山氏亦曰連山氏其初國伊繼國者合而稱之故又曰伊耆氏都陳遷曲阜古者民茹草木之實食禽獸之肉而未知耕稼炎帝因天時相地宜斲木爲耜楛木爲耒始教民藝五穀而農事興焉民有疾病未知藥石炎帝始味草木之滋察其寒溫平熱之性辨其君臣佐使之義嘗一日而遇七十壽神而化之遂作方書以療民疾而醫道立焉復察水泉甘苦令人知所避就由是民居安食力而無天札之患天下宜之故號神農氏神農之世其具體

重瑞愆不忿爭而財足無制令而民從威厲而不讓法
省而不煩始列廛于國中為市致天下之民聚天下
之貨交易而退各得其所因火德王故以火紀官為火
師春官為大火夏官為鶉火秋官為西火冬官為北火
中官為中火諸侯夙沙氏叛不用帝命其臣箕文諫而
被殺炎帝益修厥德夙沙之民自攻其君而來歸其地
於是南至交趾北至幽都東至暘谷西至三危莫不從
其化也在位百四十年崩於長沙之茶鄉通鑑前編

神農氏納莽水氏之女曰聽訖音拔生帝臨魁全上

隨州志 卷之九 帝紀 二

山海經炎帝之妻赤水之子聽訖生炎居

子柱有聖德佐帝播種五穀後世德之祀以為稷有子曰

慶甲或云嘗嗣炎帝云全上

左傳蔡墨曰稷田正也有烈山氏之子曰柱為稷夏后

以上祀之國語同此禮記祭法篇厲山氏之有天下也有子

曰農能植百穀故祀以為稷注厲山氏一云烈山氏炎帝神農也其後世子孫有

名柱者能殖百穀作農官因名農

帝王世紀諸篇或陟神怪未足為訓惟元儒金履祥通
鑑前編語獨雅馴故謹錄之以為炎帝紀而附帝妃及
烈山氏之始以足之其諸家之言炎帝者亦雜引以備
參考至周易左傳國語諸書已纂入篇中者不復錄

附參考

神農之時天雨粟神農耕而種之作陶冶斧斤爲耜鋤耨以墾草莽然後五穀興助果蔬之實逸周書

有神人名石年蒼色大眉戴玉理春秋命歷敘

發鳩之山其上多栢木有鳥焉其狀如鳥文首白喙赤

足名曰精衛其鳴自詒未詳是炎帝之少女名曰女娃女

娃遊於東海溺而不返故爲精衛常銜西山之木石以

堙於東海山海經

神農理天下欲雨則雨五日爲行雨旬爲穀雨旬五日

隨州志

卷之九 帝紀

三

爲時雨正四時之制萬物咸利故謂之神尸子

神農以爲走禽難以久養民乃求可食之物嘗百草之

實察鹹苦之味教民食穀賈誼新書 白虎通同

神農之法曰丈夫丁壯而不耕天下有受其饑者婦人

當年而織天下有受其寒者故身自耕妻親織以爲

天下先其導民也不貴難得之貨不器無用之物是故

其耕不强無以養生其織不强無以拚形有餘不

足各歸其身衣食饒溢姦邪不生安樂無事而天下均

平淮南子 呂氏春秋同

神農封泰山禪云云 史記封禪書

農殖嘉穀可食布帛可衣金刀龜貝以分財布利通有
無二者生民之本興自神農之世耒耜之利教天下而
食足日中為市交易而退而貨通食足貨通然後國實
民富而教化成 漢書食貨志

神農神者信也農者濃也始作耒耜教民耕種美其衣
食德濃厚若神故為神農也神農悉地力種粳疏故託
農皇於地 風俗通

少典之胃火德承木造為耒耜導民播穀正為雅琴以

隨州志

卷之九

帝紀

四

暢風俗 曹植神農讚

大庭氏姜姓以火德王故號炎帝 古史考

神農教民食穀作豐年之詠 辨樂論

赤松子者神農時雨師也服水玉以教神農能入火自
燒往往至崑崙山上常止西王母石室中隨風雨上下
炎帝少女追之亦得仙俱去 列仙傳

炎帝神農氏長於姜水母曰姪姒有蟠氏之女名女登
遊於華陽有神龍首感女登于常羊之山生帝人身半
首有聖德始教天下種穀故號神農氏又作五弦之琴

燄火承木位在南方主夏故謂之炎帝都於陳在位百

二十年而崩至榆罔凡八世合五百三十八年帝王世紀

按山海經常羊之山載在海西經則此常羊當別是一山然荊州記云帝母感神龍生帝于烈山則烈山為炎帝誕降之地無疑

神農居世通變該極民衆歎妙乃教稼穡聚貨交市草木播植務濟其本不通其飾摯虞神農讚

民有疾病未知藥石神農氏始味草木之滋察寒温平熱之性君臣佐使之義作方書以療民疾外紀

炎帝始教民耒耜躬勤畎畝之事百穀滋阜聖德所感

隨州志

卷之九 帝紀

無不著焉神芝發其異色靈苗擢其嘉穎陸池丹蘂駢生如蓋香露滴瀝下流成池因為參龍之圃朱草蔓衍於街衢卿雲蔚藹於叢薄築圓丘以祀朝日飾瑤階以揖夜光奏九天之和樂百獸率舞八音克諧木石潤澤時有流雲洒液是謂霞漿服之得道後天而老有石璘之玉號曰夜明以闔投水浮而不滅當斯之時漸革庖犧之朴辨文物之用時有丹雀銜九穗禾其墜地者帝乃拾之以植於田食者老而不死采峻緩之銅以為器峻緩山名也下有金井白氣冠其上人升於其閒雷霆

之聲在於地下井中之金柔弱可以緘滕也 拾遺記

炎帝分八節以始農功 晉書律歷志

炎帝致大火之瑞嘉禾生醴泉出 宋書符瑞志

神農氏教人始耕於是作蜡祭以赭鞭鞭草木嘗百草

始有醫藥又重八卦為六十四卦本起烈山故稱烈山

氏亦曰厲山氏其後有州甫甘許戲露齊紀慎向申呂

皆姜姓並為諸侯或分四岳當周室甫侯申伯為王賢

相齊許列為諸侯霸於中國蓋聖人德澤廣大故其祚

裔繁昌云 三皇本紀

隨州志

卷之九

帝紀

六

炎帝柱神農子也七歲有聖德佐神農歷塔原銘百藥
天均時而地均財於是神農之功廣而天下殷賑矣 路

史

附

王納言名疑及帝系考

神農名石年或作石耳譌路史云名軌

神農母有僑氏名安登史記正義母曰任姒名女登有

媯氏之女也外記云有媯氏或作有喬又作有橋國語

作有矯字轉譌

國語實作有媯此云有
矯當是所見之本譌

神農妃承桑氏一作桑水一作奔水

炎帝臨一作臨魁

在位八十年子帝承立帝承在位六十年子帝明立

炎帝直一作值

帝明之子又曰帝宜在位四丁五年按帝直之前尚有兩世

炎帝釐一作來一作釐

帝宜之子亦曰帝克在位四十八年

炎帝居母桑水氏名聽詠太平御覽詠音天或作聽談

或作聽郊字轉譌

聽詠即聽談司馬貞謂聽談生帝克

氏與則似榆罔之後尚有數世而通鑑前編謂神農娶奔水氏之女聽談生臨魁臨魁至帝居凡五世又云帝

居即帝裏帝裏生節莖節莖生克及戲並不

在帝位世次不同上古無稽事難確指矣

炎帝克一作扈又作哀

炎帝魁時風沙侯殺其諫臣箕文夙沙一作宿沙一質

隨州志

卷之九

帝紀

七

沙箕文一作箕父

按夙沙氏臣箕文諫而被殺即在神農之世

炎帝榆罔一作榆罔史記三皇紀注云易稱神農氏沒

即榆罔榆罔猶襲神農之號

以上名疑

少典氏娶有嬌氏之女曰安登生子二人長襲少典氏

是為黃帝之祖次為炎帝神農氏

一云長日炎帝

生子十有三

人數世而有炎帝器器生三子曰鉅曰伯陵曰祝庸

祝庸

即祝融

為黃帝司徒生術囂術囂生子二人曰條曰

句龍

術囂一作術器

句龍為后土後世祀於社句龍生子二人曰垂曰信垂

爲堯臣句龍爲顓頊后土能平九州辨土地之宜以教兆民後世祀之以配社句龍生垂垂爲堯其上
伯夷

炎帝器數傳而有炎帝參盧是爲榆罔參盧班固曰參盧

炎帝姜姓姜之支國十有三曰列曰賴

列賴滅於楚後有列氏賴氏隨氏左傳桓公十三年杜預注賴國在義陽隨

縣漢地理志隨縣下有厲鄉顏師古注厲讀作賴水經注亦云厲鄉故賴國按此則厲賴本一國名同音異者也然考後漢郡國志褒信侯國有賴亭故賴國文獻通考賴國在褒信縣今在息縣東北賴亭在商城縣南按息商城皆光州縣地相接也其去義陽七百里以兩說參之豈賴國實在褒信而義陽之厲音亦同賴耶

姜之派又有烈氏烈山氏列山氏見風俗通厲氏厲山

隨州志

卷之九 帝紀

氏麗氏麗山氏山氏俱見姓源

以上帝系考

明嶠峨王公納言於萬歷時來知隨州以州之厲鄉

爲古炎帝誕生地亦既修復其遺蹟隆其廟祀矣又

博考羣籍作名疑炎帝系二篇梓而藏之今其書存

諸生梁崇家名疑徧考帝神農至榆罔共八帝名字

同異帝系著炎帝姜姓之爲支國者十有三後世以

功有國者七其子孫之得氏者二百九十有七其蒐

羅可爲勤矣第言既浩博亦不能無繆戾茲撫其可

以附麗於隨者數條而復就所知畧爲訂正附存於

帝紀卷末以見昔人崇尚舊典之意云

隋州志

卷之九

帝紀

九